



**Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt & reges Francorum, Carolvm Martellvm, ...**

**Gretser, Jacob**

**[München], 1613**

Item exemplar Epistolæ eiusdem Papæ ad Domnum Carolvm regem directa, in qua continetur de fide vel dilectione, quam erga beatum Apostolorum principem Petrum habere pollicitus est, vt inconcussa & ...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistola eiusdem Pape ad  
Domnum Carolum regem directa, in qua continetur de fide  
vel dilectione, quam erga beatum Apostolorum principem Pe-  
trum habere pollicitus est, vt inconcussa & insolubilis  
permaneat, & nulla callida versutia ab Aposto-  
lico amore eius animus disun-  
gi possit.*

## LXXV.

**D**OMNO excellentissimo filio nostroque spi- *Summ. 37.  
Bar. 6  
Cent.*  
ritali compatri Carolo, Regi Francorum, &  
Langobardorum, atq; Patricio Romanorum,  
Adrianus Papa. Gratia sancti Spiritus igniti calore  
nulla quiescimus plus ratione, cuiuslibet terrenæ pote-  
statis splendido, præterquam vestræ à Deo promotæ  
regali potentia, cum oportunitas datur, ex totis no-  
stris præcordiis intimare, quam tam firmam stabilem-  
que annexam fideliter, ac ita vnanimes in vnitatem cõ-  
globatos esse speramus, vt nullo modo credamus,  
quamlibet magnam parvamque personam, inter  
Apostolicam sedem, & vestram Excellentiam posse  
eam dirimere, talem prorsus vestrum præfulgidum  
in triumphis regnum erga amorem B. Petri, Aposto-  
lorum principis, fautoris vestri, & nostram dilectio-  
nem agnoscentes vsque hætenus persistere & indis-  
solubilem permanere, quod numquam possit, quam-  
libet callida versutia hominum, ab amore clauigeri re-  
gni cœlorum, disiungere, quem prorsus auxiliatorem  
in opinatissimis vestris triumphis, nobis poscentibus  
atque precantibus, credimus & propugnatorem ha-  
bere, procedens & introducens vestrum præcellsum  
regalemque triumphum calcare super omnes barba-  
ras

ras nationes, quatenus semper pro vobis diuinam exorantes clementiam, Deiq; timorem præ oculis habentes, atq; pro anima, sanctæ recordationis, præcellentissimi genitoris vestri, Domni Pippini, summi Regis, & pro omnibus fidelibus Francis, simulq; diuinum considerantes iudicium, nitebamur emendare de prauis atq; peruersis actibus, videlicet \* Heleutheriû & Gregorium, ineptos atq; inutiles nugaces; qui pro eorum proterua contumacia, non sinebant in eorum iudicari partibus, Rauennæ inopes atq; pusillos opprimentes misere, tam in venalitate hominum apud paganas venundantes gentes, quam \* de panis eorum absq; vlla misericordia auidè deglutiebant, ex qua pestilentia plurima pars deficientes atq; ruentes dissipati sunt: in super ignobilium vulgus, cateruamq; cruentorum nequiter congregantes, non intermittebant cotidie nefandas perpetrare neces. Vnde dum in Ecclesiâ, quadâ die Missarum celebrarentur sollemnia, & eadem hora quidam Diaconus sanctum Christi Euangeliû populis prædicaret, intus in eodem sanctuario, ab eorum impiissimis hominibus sanguis effusus est innocens, pro sacrificio laudis homicidium perpetrâtes; & dum ipsi certi existerent, quod nos tales iniquas terras atq; peruersas operationes minimè illos vt Christiano populo peragere sineremus, idcirco superba arrogantia elati, conati sunt, sine nostra scientia, ad vestros prope rare regales obtutus existimantes, se per eorum infidelem atq; iniquam fallaciam, à fide puritatis & dilectione B. Petri & nostra vos separare; nescientes miseri & infelices, quia qui præcipui fideles eiusdem Dei Apostoli sunt, & vestri felicissimi regni fideles sunt, pariter & qui eius inimici esse videntur, vestri procul dubio inimici sunt.

Qua-

\* Eleutheri-  
vianus.\* locus cor-  
ruptus.  
Natus, de  
panibus.

Quapropter poscentes quæsumus vestram à Deo protectam regalem potentiam per B. Petrum Apostolorum principem, cui à Domino potestas ligandi solvendiq; peccata in cœlo & in terra data est, & ipsum sanctum baptisma, quod inter nos per Spiritum sanctum habere videmur, illorum procacitati vester præfulgidus aspectus & hilaris minimè manifestetur. Neque recipere ipsos nefandos vultu dignissimo dignemini, sed tanquam inimicos B. Petri & vestros existentes, eorum superbam gloriationem respuentes, ad nos dehonestati per fidelissimos Missos vestros humiles veniant, vt omnia, quæ fati sumus, eorum comprobeamus præsentia: quatenus qui agunt talia, iniqua atque peruerfa, per eos emendentur, & illibata oblatio, quæ à sanctæ recordationis, genitore vestro, Domno Pipino, magno Rege allata, & vestris præfulgidis regalibus manibus in Confessione B. Petri, clauigeri regni cœlorum, oblata, atque nimirum confirmata sunt, inconcussa & immaculata in æternum permaneant, vt ante tribunal Christi ipse protector vester, B. Petrus Apostolus, dignus retributor vobis appareat, & sicut in hoc terrenum regnum vna cum præcellentissima subole vestra & omnibus fidelibus Francis in triumphis pollentes tuetur & protegit, ita & in ætheriis arcibus cum sanctis omnibus faciat sine fine regnare, Incolumem excellentiam vestram gratia superna custodiat.



*Item*